



Maîtrise d'ouvrage déléguée

SemBreizh
ACTIVATEUR DES TERRITOIRES DE BRETAGNE

LETTRE INFO CHANTIER

LIZHER-KELAOUIÑ CHANTER • LA BANIY DU CHANTIER

Gwengolo 2021

LIZE DIWAN - GWENED

Perc'henn eo Rannvro Breizh war savadurioù ar 115 a liseoù publik a zo e Breizh. Bep bloaz e laka tost da 100 M€ evit modernaat ha kempenn ar glad-se abalamour da reiñ un endro bevañ plijus hag aes d'al liseidi ha d'ar skipailh a vez war o zro.

UN EIL LIZE DIWAN E BREIZH

Betek nevez zo ne oa nemet ul lise publik evit ar c'helenn dre soubidigezh e Breizh : al lise Diwan e Karaez. Fellout a rae da Rannvro Breizh sikour staliañ un eil lise asambles gant ar rouedad DIWAN. Rak-se e oa bet digoret ur c'hlasad eilvet e distro-skol 2020 er skolaj Diwan e Gwened da c'hortoz kavout ul lojeiz hag a glotfe. Abaoe miz Gwengolo 2016 e oa serret ar skolaj Montaigne, a zo tre e-kichen ar sko-

laj Diwan, e karter Kergadoù. Buan-tre e oa bet soñjet e oa al lec'h gwellañ evit kempenn salioù boutin d'ar skolaj ha d'al lise. Dilezet e oa ar savadurioù ma oa ar skolaj Montaigne abaoe 2016, gant se e oant bet gwall zisleberet abalamour ma yae tud ennañ dre laer ingal. Prenet eo bet gant ar Rannvro digant Departamant ar Mor-Bihan ha fiziet eo bet al labourioù evit addressañ anezhañ er stal SemBreizh.



© Emmanuel Pain

« Asambles gant ma skipailh emamp o paouez bezañ addilennet e penn Rannvro Breizh, evit ur respetad 7 vloaz. Lavaret hon eus e raimp evit suraat ha diorren ar rouedadoù liesseurt a labour evit ar yezhoù rannvro. Ur skouer vat eus ar youl-se eo digoradur al lise Diwan nevez e Gwened. Ha stad zo ennon o welet skolajidi ha liseidi Diwan o vont e-barzh al lojeiz nevesaet ganeomp evito da-geñver distro-skol 2021. »

Loïc Chesnais-Girard,
Prezidant Rannvro Breizh

Ur chanter digustum

Setu m'eo bet nevesaet an ti-diavaezidi abalamour da gaout un endro bevañ ha deskiñ plijus hag aes evit al labour. Kement-se gant ur budjed bevennet strizh ha d'ur mare ma oa diaes an traoù rak delc'her a rae tud zo da zisleberañ al lec'h tra ma veze kaset al labourioù da benn. Ranket ez eus neuze en em ober diouzh se ha diskouez hardizhegezh... ha deuet brav eo an traoù. Evit diavaez ar savadur-se daou estaj dezhañ, adc'hraet eo bet an toennou, naetaet eo bet an holl vogerioù a oa tagoù warno hag adlivet

int bet en o liv orin. Cheñchet eo bet an holl bezhioù munuzerezh e rez-an-douar. Ar re a oa e stad vat c'hoazh zo bet adimplijet evit kemer plas prenestroù hag a oa torret en estajoù uheloc'h. Klozet eo bet ar bratell gozh evit ober un hall degemer frank, ar pezh a vo un aezamant d'ar skolidi ha d'an implijerien. Staliat ez eus bet ridezioù metal a bep tu evit gwareziñ ar gwer. Nevesaet eo bet an holl rouedadoù penn-da-benn ivez ha staliat un dommerezhezh nevez.



An ti-diavaezidi gwelet eus tu ar porzh.
Skeudenn a-gleiz : goude bezañ bet nevesaet.
Skeudenn a-zehoù : a-raok bezañ nevesaet.

© SemBreizh

Adaozañ an diabarzh


Adalek an hall rez-an-douar ez eer war-zu tri fol disheñvel. Eus un tu ez eus bet staliet gwiskevaoù, strinkerezh hag all, ar c'hlañvdi hag ar salioù buhez skol. Pelloc'h emañ an div oaled evit ar skolidi - an eil evit re al lise, eben evit re ar skolaj - ha salioù studi hag a zo bet nevesaet ha tretet a-ratozh enep an trouz. Hag en trede pol e kaver salioù ar c'helenn war ar skiantoù. En estaj 1añ eo bet adingalet servij ar predoù, klokaet gant aveadurioù nevez

hag adaozet abalamour d'al lec'h da vezañ frankoc'h evit an daou skipailh a vez o fardañ ar predoù. En eil hanterenn an estaj-se eo staliet ar greizenn teuliaouiñ ha titouriñ (KTT), salioù diavaezidi, sal ar gelennerien hag ar servijoù melestradurel. En eil estaj eo bet graet ar cheñchamant brasañ. Diskaret eo bet an holl speurennoù evit adaozañ al lec'h ha kempenn salioù klas frank ha plijus.

Postet ez eus bet 6,5 M€ gant Rannvro Breizh

En holl e vo bet lakaet 6 500 000 € gant Rannvro Breizh evit reiñ un endro labour plijus hag aes d'an holl skolidi el lise. E-touez an dispiignoù-se e kaver 3,4 M€ evit prenañ tachenn ha savadurioù ar skolaj Montaigne kozh digant an Departamant,

ha 2,5 M€ evit al labourioù. Graet eo al lise evit degemer betek 460 skoliad ha 60 kelenner. En distro-skol-mañ ez eus digoret ur c'hlasad Kentañ klas. E 2022 e vo digoret klasadoù Termen.



Adlivet eo bet an holl dalbennoù (1-3) met gallet ez eus mirout ar murlivadur (2) en antre al lise. Gwarezet eo ar mont tre en hall, eus tu ar porzh gwez ennañ, gant ur rideoz metal (3). Gant al leurioù-ti hag al livadurioù nevesaet evit ul lodenn vras anezho, ez eo aesoc'h ha plijusoc'h al lise nevez (4).
© SemBreizh

Deiziataer ar chanter

Hañv 2020 : dizamiantañ

Gwengolo 2020 : prientiñ ar chanter

Here 2020 : deroù al labourioù

Gouere 2021 : echu al labourioù ha neuze kempenn al lise nevez



Klozet eo bet ar bratell a oa aze dija abalamour da grouiñ un hall degemer frankoc'h hag a yeer ac'hano war-zu al lodennoù all eus al lise ha war-zu ar porzh diavaez.

Arrebeuri adimplijet

Evit a sell ouzh an aveadurioù eo pourvezet al lise Diwan evel zo dleet kuit a zispign re. Rak graet he deus ar gevredigezh he mad eus ostilhoù hag arrebeuri chomet war al lec'h hag a zo bet adingalet, pe re

all adaptet digant skolioù all. Evel-se emañ kont, da skouer, evit an arrebeuri er c'hlasoù hag er gKTT, an aveadurioù er gegin pe ostilhoù evit kelenner ar skiantoù...

Sifroù al labourioù

GORREADOÙ :

5 130 m² a c'horreadoù plañchod nevesaet

KOUST AN TRAOÙ :

6 500 000 €, en o zouez

Prenañ ar font 3,4 M€

Labourioù 2,5 M€

PADET EO AR CHANTER :

12 miz

DEGEMER :

460 skoliad

60 kelenner

An obererien

Mestroniezh an oberiadur : Rannvro Breizh

Mestroniezh dileuriet an oberiadur :
SemBreizh

Arkitektour : Axens Architectes (Naoned)

Korvoer : Kevredigezh DIWAN

RÉGION BRETAGNE
RANNVRO BREIZH
REGION BERTÈGN

283 avenue du Général Patton - CS 21101 - 35 711 Rennes cedex 7
Tél. : 02 99 27 10 10 | twitter.com/regionbreizh | www.regionbreizh.fr
www.bretagne.bzh

